



D.o.o. „TRA“ Agencija za razvoj općine
Tešanj, Trg Alije Izetbegovića br.11

74260 Tešanj

Tel./Fax: +387 32 650 608; +387 32 650 390;

e-mail: tra@opcina-tesanj.ba

Na osnovu ugovora i memoranduma o saradnji između TRA d.o.o. Agencija za razvoj općine Tešanj (u daljem tekstu: TRA Agencija) i katarske organizacije Aid Al Qatariya u okviru projekta „Podizanje zasada maline na području općine Tešanj“ potpisanog na dan 21.08.2014 raspisuje:

JAVNI POZIV

za prijavu korisnika za dodjelu sredstava navedenog projekta

Na području općine Tešanj prvobitno je planirano podizanje 37 novih zasada maline sa veličinom od 0,2 ha (2 dunuma). Za sadnju će se koristiti sorte Willamette i Meeker. Projektom je predviđeno da se obezbjedi sve za podizanje zasada maline: od sadnica, analize zemljišta, do stajnjaka, stubova za nasade, žice i sistema za navodnjavanje. TRA Agencija će angažovati stručnu osobu koja će nadgledati cjelokupan proces od uzimanje uzorka i pripreme tla do otkupa. Korisnici će se zasebnim ugovorom sa TRA obavezati da će uložena sredstva vraćati od prihoda, i to na način da će od ukupnog prihoda izdvajati 15% za vraćanje uložених sredstava u fond TRA Agencije. Vraćena sredstva će se koristiti za podizanje novih zasada te pokrivanje troškova projekta. Svaki od odabranih korisnika na temelju predmetnog Javnog poziva potpisat će Ugovor o učešću na projektu sa TRA Agencijom, gdje će biti propisane gore navedene obaveze i prava, uz obaveznu ovjeru navedenog Ugovora kod ovlaštenog Notara (troškove ovjere Ugovora snose odabrani kandidati).

Određenim uštedama na projektu obezbjeđena su sredstva za 44 parcele, tako da je broj farmera povećan za 7, odnosno za 19%. Kroz realizaciju projekta ostvarene su uštede te shodno ugovoru sa donatorima, da se sva neutrošena sredstva ulažu u nove zasade, otvara se dopuna Javnog poziva za još **3 farmera**. Priprema parcela, dodjela sadnica i sadnja je planirana za proljeće 2015. godine.

Uslovi za dodjelu sredstava

Aplikanti kao obavezne moraju zadovoljiti sljedeće uslove:

- *Da je stanovnik općine Tešanj, sa stalnim mjestom prebivališta na području općine Tešanj;*
- *Fizičko lice, nema registrovan obrt ili djelatnost na svoje ime;*
- *Vlasnik minimalno 2 dunuma zemlje ili ima ugovor o zakupu na minimalno 10 godina prijavljene parcele;*
- *Da je prijavljena parcela na području općine Tešanj;*
- *Da na datoj parceli u trenutku prijave nema zasnovanu proizvodnju;*
- *Da pripada domaćinstvu koje broji najmanje 3 člana porodice (veći broj članova domaćinstva ima prednost pri odabiru) čija ukupna primanja ne prelaze 300KM po članu domaćinstva;*

Posebni uslovi:

Pored općih uslova **prednost pri odabiru** korisnika će imati aplikanti koji su:

- Starosne dobi mlađe od 35 godina;
- Žene poljoprivrednice aplikanti iz ruralnih područja;
- Spremni za saradnju i obavezni da se pridržavaju uputa stručnog lica angažovanog na projektu;
- Imaju iskustva u poljoprivrednoj proizvodnji
- Ukoliko školuje dvoje ili više djece;- Pripadnici su jedne od socijalno osjetljivih kategorija stanovništva, kao što su: djeca bez roditelja, invalidi, žrtve rata, pripadnici demobilisane boračke populacije i dr.

Aplikanti su pri prijavi na navedeni Javni poziv, obavezni dostaviti sljedeće dokumente:

- Kopija lične karte;
- Ovjerena kućna lista;
- Posjedovni list za prijavljenu parcelu ili Ugovor o zakupu parcele na minimalno 10 godina, (korisnici koji se odaberu dati Ugovor moraju ovjeriti kod Notara);
- Potvrda sa evidencije nezaposlenih osoba izdata od strane Biroa za zapošljavanje i/ili Potvrda visini primanja (Dokaz: Platna lista i/ili bankovni izvod i/ili penzionerski ček)

- Potvrda da je podnosilac prijave ili neko sa kućne liste bio pripadnik boračke populacije/civilna ili boračka žrtva rata ili neke druge od gore navedenih socijalno osjetljivih kategorija stanovništva.

Javni poziv ostaje otvoren 10 dana od dana objavljivanja, odnosno do 05.02.2015. godine. Prijavu i prateću dokumentaciju lično dostaviti u prostorije TRA Razvojne agencije općine Tesanj, Trg Alije Izetbegovića 11, I sprat, BA-74260 Tešanj – zgrada općine Tešanj). Detaljnije informacije o pozivu i projektu, možete dobiti na broj telefona: 032/650-390, email: tra@opcina-tesanj.ba ; mirza@tra.ba (kontakt osoba: Mirza Bejtić dipl.inž.polj., TRA Agencija). Kriteriji za odabir korisnika će biti naknadno objavljeni prije isteka Javnog poziva.

Lista odabranih korisnika će biti objavljena na oglasnoj ploči TRA Agencije/Općine i na stranici www.tra.ba